

Riikksuávtõõzz asetõs

räáuhum jie'll'ji tue'jjeem skääðai ooudbeä'lnn cõggmõõžžâst da ko'rvvummšest uvddum riikksuávtõõzz asetõõzz 2 da 7 § mu'ttmest

Riikksuávtõõzz tu'mmstõõgg meáldlânji
mu'ttet räáuhum jie'll'ji tue'jjeem skääðai ooudbeä'lnn cõggmõõžžâst da ko'rvvummšest uvddum riikksuávtõõzz asetõõzz (115/2023) 2 § 1 da 3 mome'ntt di 7 §,
 nákkmen gu tõk liá, 2 § 1 da 3 mome'ntt asetõõzzâst 678/2024 di 7 § pie'kken asetõõzzâst 678/2024, puð'ttinalla:

2 §

Euroopp unioon riiktuärjõs-šiotõõllmõõžž suávvummuš

Jie'llemviõkk-kõõskõõs ij vuážž miõttád räáuhum jie'll'ji tue'jjeem skääðai ooudbeä'lnn cõggmõõžžâst da ko'rvvummšest uvddum láá'jj 10 §:st ju'rddum veä'kkie'gğ, 15 §:st ju'rddum ko'rvvõõzz le'be 26 §:st ju'rddum tuärjõõzz madd- da meä'cctäällvuu'd da jännamvuu'di riiktuärjõõzzâst uvddum komissio keäitõõzzi (2022/C 485/01) 23 pääi'kest ju'rddum vaiggádvuõðin áarrai põrggsa. Ko'rvvõõzz le'be tuärjõõzz vuážž kuuitág miõttád, jõs vaiggádvuõðin áarrmõš lij kidd ko'rvveemvuála skääðšõõdmõõžžâst.

Jie'llemviõkk-kõõskõõõzz álgg õlmstá'tted aalmilaž teáttnee'ttest teáðaid 1 momee'ntest peággum keäitõõzzi 112 pääi'kest ju'rddum teáðain.

7 §

Teáðai i'lmmtõs- da seeiltemõõlgtemvuõtt

Jie'llemviõkk-kõõskõõõzz álgg raaukeen tááimted madd- da meä'cctäällministeriaa'je 2 § 1 momee'ntest peággum keäitõõzzi 650 pääi'kest ju'rddum ee'kkçiõlgtõõzz õõlgtem teáðaid räáuhum jie'll'ji tue'jjeem skääðai ooudbeä'lnn cõggmõõžžâst da ko'rvvummšest uvddum láá'jj nuájja miõttámvuála veä'kkie'gği da ko'rvvõõzzi beä'lnn.

Jie'llemviõkk-kõõskõõõzz álgg i'lmmted madd- da meä'cctäällministeriaa'je teáðaid Euroopp unioon táimmjumšest tue'jjuum suáppmõõžž 107 da 108 artikla suávvumšest vää'nnmiárktõõzzláz tuärjõ'sse kue'llšee'llem- da čää'ccšáddeemsue'rjest uvddum komissio asetõõzz (EU) N:o 717/2014 nuájja miõttum tuärjõõzzin meersa jäänmõsraaj kuõskki õõlgtemvuõði vuáppmõššân.

Jie'llemviõkk-kõõskõõõzz álgg seeiltem teáðaid 1 momee'ntest peággum láá'jj meáldláz veä'kkteä'gğ- da ko'rvveemtu'mmstõõggin di kõžžláá'dd pie'zzraajjámteujjumšid vuáððõõvvi kue'lltáalltuärjõõstu'mmstõõggin láái ee'jj áái'j.

Tät asetõs šádd við'kke 1 peei'v odðee'jjmannust 2026.

1322/2025

He'lsnest 18.12.2025

Pirrõs- da äimmõsminister Sari Multala

Lää'jjšiõtteemjää'dtee'jj Johanna Korpi